

Akashvani, Sambalpur

SAMBALPURI NEWS EVENING BULLETIN

28 April 2024- 7.02 pm- 7.12 pm.

- ୧- ଓଡ଼ିଶା ନିର୍ବାଚନ ପ୍ରଚାର କଲେ ବିଜେପି ରାଷ୍ଟ୍ରୀୟ ଅଧ୍ୟକ୍ଷ ଜଗତ୍ ପ୍ରକାଶ୍ ନଡ୍ଡା ଆର କଂଗ୍ରେସର ବରିଷ୍ଠ ନେତା ରାହୁଲ୍ ଗାନ୍ଧୀ ।
- ୨- ରାଏଜେ ୩ ନମ୍ବର ଖେପ୍ ଭୋଟ୍ ଲାଗି ଆସବା କାଏଲ୍ ବାହାରବା ବିଜ୍ଞପ୍ତି ।
- ସମ୍ବଲପୁର ସହେତେ ୬ ଟା ଲୋକସଭା ଆର ୪୨ ଟା ବିଧାନସଭା କ୍ଷେତ୍ର ଲାଗି ନାମାଙ୍କନ ହେବା ମୁଲ୍ ।
- ୩- ରାଏଜେ ଆସକ୍ ମନାଯାଉଛି ଉତ୍କଳ ଗୌରବ୍ ମଧୁସୂଦନ ଦାସଙ୍କର ଜନମ୍ ଦିନ ଆର ଆଇନ୍‌ଜୀବୀ ଦିବସ୍ ।

ଆଉର

- ୪- ନୂଆଁ ସ୍ତ୍ରୀୟା କେମ୍ବ୍ ନ ହେଲା ଆଇଆଇଏମ୍ ସମ୍ବଲପୁରର ସମାବର୍ତ୍ତନ ଉତ୍ସବ୍ ।

ଭାରତୀୟ ଜନତା ପାର୍ଟିର ରାଷ୍ଟ୍ରୀୟ ଅଧ୍ୟକ୍ଷ ଜଗତ୍ ପ୍ରକାଶ୍ ନଡ଼ା ଆସି ଦିନକିଆ ଗସ୍ତ ଆସିକରି ବ୍ରହ୍ମପୁର ଲୋକସଭା କ୍ଷେତ୍ର ଆସପୁଆ ଠାମେ ଦଲ୍ ତରଫୁ ହେଇଥିବା ବିଜୟ ସଂକଳ୍ପ ସମାବେଶ୍ ଯୋଗ୍ ଦେଇଛନ୍ । ସମାବେଶ୍ କେ ସମୋଧ୍ କରିକରି ଶ୍ରୀ ନଡ଼ା କହିଛନ୍ ରାଜ୍ୟ ଆର୍ କେନ୍ଦ୍ର ନ ବିଜେପି ସରକାର୍ ହେଲେ ଓଡ଼ିଶାର୍ ସାମଗ୍ରିକ ବିକାଶ୍ ହେଇପାର୍ବା । ହେଥିଲାଗି ଭାରତୀୟ ଜନତା ପାର୍ଟିକେ ଖୋବ୍ ସଂଖ୍ୟା ନ ଭୋବ୍ ଦେଇକରି ଭାରତୀୟ ଜନତା ପାର୍ଟିକେ ଜିତାବାର୍ ଲାଗି ସେ ଲୋକମାନ୍କୁ ଅନୁରୋଧ୍ କରିଛନ୍ ।

ସେନ୍ତା ଝାରସୁଗୁଡ଼ା ନ ଏହେନ୍ ଆଉ ଟିକେ ସମିଆ ଉତ୍ତରୁ ବିଜେପି ତରଫୁ ଗୁଟେ ରୋଡ୍ ସୋ ହେବାର୍ କେ ଯାଉଛେ । ହେଥି ଛତିଶଗଡ଼ର ମୁଖ୍ୟମନ୍ତ୍ରୀ ବିଷୁଦେଓ ସାଏ ଆର୍ କେନ୍ଦ୍ରମନ୍ତ୍ରୀ ଧର୍ମେନ୍ଦ୍ର ପ୍ରଧାନ୍ ଯୋଗ୍ ଦେବାର୍ କାର୍ଯ୍ୟକ୍ରମ୍ ରହିଛେ ।

ସେଆଡ଼େ କଂଗ୍ରେସ୍ ବରିଷ୍ଠ ନେତା ରାହୁଲ୍ ଗାନ୍ଧୀ ଆସି ଦିନକିଆ ଓଡ଼ିଶା ଗସ୍ତ ନ ଆସିକରି କଟକ୍ ଜିଲ୍ଲାର୍ ସାଲେପୁର ବିଧାନସଭା ନିର୍ବାଚନ୍ ମଣ୍ଡଳୀ ଇଲାକାର୍ ନିଶ୍ଚିତ୍ କୋଇଲି ବ୍ଲକ୍ କୁଳିଆପଡ଼ିଆ ନ ଗୁଟେ ନିର୍ବାଚନୀ ସଭାକେ ସମୋଧ୍ କରିଛନ୍ । ତାକର୍ ଦଲ୍ ସରକାର୍ କେ ଆସଲେ ଆଶା ଆଉ ଅଜାନବାଡ଼ି କର୍ମୀଙ୍କର୍ ମଜୁରୀ ୨ ଗୁନା କରବାର୍ ସଙ୍ଗେ ଦେଶର୍ ବିକାଶ୍ ଦିଗେ ଖୋବ୍ଟେ

ପଦକ୍ଷେପ୍ ନେବା ବଳି ରାହୁଲ୍ ଗାନ୍ଧୀ ତାକର୍ ଭାଷଣ୍ ଥି
କହିଛନ୍ ।

୩ ନୟର୍ ଖେପ୍ ନିର୍ବାଚନ୍-ବିଜ୍ଞପ୍ତି ଆର୍ଏନ୍ୟୁ/ ସୟଲପୁର

ରାଏଜେ ଲୋକସଭାର ୩ ନୟର୍ ଖେପ୍ ନିର୍ବାଚନ ଲାଗି
ଆଏବା କାଏଲ୍ ବିଜ୍ଞପ୍ତି ବାହାର୍ବା । ଇତାର୍ ସହେତେ ନାମାଙ୍କନ
ପତ୍ର ଦାଖଲ ମୂଲ୍ ହେବା । ଇ ଖେପେ ୨ଟା ସଂସଦୀୟ କ୍ଷେତ୍ର
ସୟଲପୁର, କେଉଁଝର, ଦେଙ୍କାନାଳ, କଟକ, ପୁରୀ ଆଉ
ଭୁବନେଶ୍ୱର ଲାଗି ଭୋର୍ ହେବା । ଇ ସଂସଦୀୟ କ୍ଷେତ୍ର ଅଧୁନଥ୍
ଥିବା ୪୨ଟା ବିଧାନସଭା ଆସନ ଲାଗି ଭିଲ୍ ଭୋର୍ ହେବା ବଳି
ରାଜ୍ୟ ମୁଖ୍ୟ ନିର୍ବାଚନ ଅଧିକାରୀଙ୍କ କାର୍ଯ୍ୟାଳୟ ତର୍ପୁ ସୂଚନା
ମିଳିଛି ।

ଆଏବା ମେ’ ୨ ତାରିଖ ଦିନ ନାମାଙ୍କନ ପତ୍ର ଦାଖଲ୍
ଶେଷ୍ ଦିନ ରହିଛି । ଇତାର୍ ଉର୍ତ୍ତୁ ୨ତାରିଖ୍ ଦିନ ନାମାଙ୍କନ
ପତ୍ର ଯାର୍ ହେବା ଆର୍ ୯ତାରିଖ୍ ଦିନ ପ୍ରାର୍ଥୀପତ୍ର ପ୍ରତ୍ୟାହାର୍
ଶେଷ୍ ଦିନ୍ ରହିଛି । ସେନ୍ତା ମେ ୨୫ ତାରିଖ୍ ଦିନ ଇ ଖେପେ
ନିର୍ବାଚନ ଲାଗି ଭୋର୍ ହେବା । ଜୁନ୍ ୪ତାରିଖ୍ ଦିନ ଫଳାଫଳ
ଘୋଷଣା ହେବା ବଳି ସୂଚନା ମିଳିଛି ।

ଇନ ଜନେଇ ଦିଆଯାଇପାରେ ଯେ, ଇ ଖେପେ ୯୪ ଲାଖ୍
୪୧ହଜାର ୨୯୭ ଝନ୍ ଭୋଟର୍ ଭୋର୍ ଦେବେ । ଇତାର୍

ଭିତ୍ତରୁ ୪୮ ଲାଖ ୨୬ହଜାର ୩୭୫ ଝନ୍ ପୁରୁଷ ଭୋଟର,
୪୬ ଲାଖ ୧୪ହଜାର ୧୩୪ ଝନ୍ ମହିଳା ଭୋଟର ଆଉ
୧୨ଶହ ୮୮ଝନ୍ ତୃତୀୟ ଲିଙ୍ଗୀ ଭୋଟର ଥିବା
ଜନାପତିଛେ ।

ମଧୁସୂଦନ୍ ଦାସ୍ ଜୟନ୍ତୀ

ସମ୍ବଲପୁର/ ବରଗଡ଼/ ସୁବର୍ଣ୍ଣପୁର/ ବୌଦ୍ଧ/ କଲହାଣ୍ଡି

ସମ୍ବାଦଦାତା

ଉତ୍କଳ ଗୌରବ ମଧୁସୂଦନ୍ ଦାସ୍‌ଙ୍କର ଆଏଜ୍ ଶହେ ୭୬
ନମ୍ବର ଜୟନ୍ତୀ । ହେଥିରୁଲାଗି କଟକ୍ ଜିଲ୍ଲାର୍ ସତ୍ୟଭାମାପୁର ନ
ଥିବା ତାଙ୍କର ଜନ୍ମଜାଗା ସହେତେ ରାଜ୍ୟର ସବୁଆଡ଼େ ଜୟନ୍ତୀ
କାର୍ଯ୍ୟକ୍ରମ୍ ମାନ୍ ହେଉଛେ । ମଧୁବାବୁ ଭାବେ ପରିଚିତ ଉତ୍କଳ
ଗୌରବ ମଧୁସୂଦନ୍ ଦାସ୍ ଝନେ ସଫଲ୍ ଆଇନ୍‌ଜୀବୀ
ହେବାର୍‌ସଙ୍ଗେ ଓଡ଼ିଶାର୍ ସ୍ଵାର୍ଥର୍ ଲାଗି ଲଢ଼ିଥିବାର୍‌ନୁ ତାଙ୍କର
ଜନମ୍ ଦିନ୍କେ ଆଇନ୍‌ଜୀବୀ ଦିବସ୍ ଭାବେ ଭିଲ୍ ପାଲନ୍
କରାଯାଉଛେ । ମଧୁବାବୁ ଥିଲେ ଓଡ଼ିଆ ଜାତିର ଗର୍ବ୍ ଆର
ଗୌରବ୍ । ଝନେ ଦକ୍ଷ ଓକିଲ୍ ହେବାର୍ ସଙ୍ଗେ ସେ ଓଡ଼ିଆ
ଜାତୀୟତା ଆନ୍ଦୋଳନ୍‌ର କର୍ଣ୍ଣଧାର୍ ଥିଲେ । ମଧୁବାବୁଙ୍କର
ସ୍ଵଦେଶୀ ଆନ୍ଦୋଳନ୍, ଗାଁର ଉନ୍ନତି ବାବ୍‌ଦେ ପରିକଳ୍ପନା,
ସମ୍‌କିରିର ମୌଲିକ୍ ଶିକ୍ଷାର୍ ଅଧିକାର୍, ପଛୁଆ ଶ୍ରେଣୀର

ଲୋକମାନଙ୍କର ଉନ୍ନତିକେ ନେଇକରି ମଧୁବାବୁଙ୍କର କାମ୍ ଆର ବିଚାରଧାରା ମହାତ୍ମାଗାନ୍ଧୀଙ୍କର ଚିନ୍ତାଧାରାକେ ଭିଲ୍ ପ୍ରଭାବିତ୍ କରିଥିଲା ।

ମୁଖ୍ୟମନ୍ତ୍ରୀ ନବୀନ୍ ପଟ୍ଟନାୟକ୍ ମଧୁବାବୁଙ୍କୁ ଜୟନ୍ତୀ ଅବସରେ ଶ୍ରଦ୍ଧାଞ୍ଜଳି ଜନାବାର୍ ସହେତେ ସ୍ୱତନ୍ତ୍ର ଓଡ଼ିଶା ପ୍ରଦେଶ୍ ଗଠନ୍ ଓଡ଼ିଆ ସ୍ୱାଭିମାନ୍ର ସୁରକ୍ଷା ଆର୍ ଓଡ଼ିଶା ନ ଶିକ୍ଷ, ଶିକ୍ଷା ଆର୍ ସାହିତ୍ୟର ପ୍ରସାର୍ ଦିଗେ ତାଙ୍କର ଅବଦାନ୍ ସବୁଦିନ ସୁର୍ତ୍ତା ହେଇକରି ରହେବା ବଳି କହିଛନ୍ ।

ସେନ୍ତା କେନ୍ଦ୍ରମନ୍ତ୍ରୀ ଧର୍ମେନ୍ଦ୍ର ପ୍ରଧାନ୍ ଭିଲ୍ ମଧୁବାବୁଙ୍କୁ ଶ୍ରଦ୍ଧାଞ୍ଜଳି ଜନେଇକରି ଓଡ଼ିଆ ଅସ୍ଥିତା ଆର୍ ସ୍ୱାଭିମାନ୍ର ରକ୍ଷା କରବାର୍ ସଙ୍ଗେ ଓଡ଼ିଆ ଭାଷା, ସାହିତ୍ୟ, ଶିକ୍ଷ ଆଉ ଦକ୍ଷତାର୍ ବିକାଶ୍ ଲାଗି ମଧୁବାବୁଙ୍କର ଅବଦାନ୍ ଅତୁଲନୀୟ ବଳି ଗୁଟେ ବାର୍ତ୍ତା ନ କହିଛନ୍ ।

ଆଇନ୍‌ଜୀବୀ ଦିବସ୍ ପାଳନ୍ ଅବସରେ ସମ୍ବଲପୁର୍ ଓକିଲ୍ ସଂଘ ତରଫୁ ଓକିଲ୍ ମାନଙ୍କର ଭିତ୍ରେ ଭିନ୍ ଭିନ୍ ପ୍ରତିଯୋଗିତା କରାଯାଇଥିଲା । ଇହାଛିନ୍ ସଂଘର କାର୍ଯ୍ୟାଳୟ ପରିସର ନ ସଭାପତି ସତ୍ୟନାରାୟଣ୍ ପଣ୍ଡାଙ୍କର ଅଧକ୍ଷତାଥ୍ ଜୟନ୍ତୀ ସମାରୋହ ଚାଲିଛେ ।

ବର୍ଗଡ୍ ଜିଲ୍ଲା ଓକିଲ୍ ସଂଘ ତରଫୁ ସଭାପତି ଭୀଷ୍ମଦେବ୍ ସରାଫ୍‌ଙ୍କର ଅଧକ୍ଷତାଥ୍ ହେଇଥିବା ସମାରୋହ ନ ବରିଷ୍ଠ ଓକିଲ୍ ତ୍ରିନାଥ ସାହୁ ଆର୍ ଶରତ୍ କୁମାର୍ ପ୍ରଧାନ୍ ଅତିଥ୍ ଭାବେ ଯୋଗ୍ ଦେଇକରି ଆଇନ୍‌ଜୀବୀ ଦିବସ୍ ପାଳନ୍ ବାବ୍ଦେ ବକ୍ତବ୍ୟ

ରଖୁଥିଲେ । ସେନ୍ତା ପଦମ୍ପୁର ଓକିଲ୍ ସଂଘ ତରଫୁ ସଭାପତି
ଆନନ୍ଦ ପଣ୍ଡାଙ୍କର ଅଧକ୍ଷତାଥି ଆଇନ୍‌ଜୀବୀ ଦିବସ୍ ପାଳନ୍
କରାଯାଇଥିଲା ।

ସୁବର୍ଣ୍ଣପୁର ଜିଲ୍ଲା ଓକିଲ୍ ସଂଘ ସଭାପତି ବିଧାନ୍ ଚନ୍ଦ୍ର
ପାଣିଗ୍ରାହୀଙ୍କର ଅଧକ୍ଷତାଥି ହେଇଥିବା ସମାରୋହ ନ
ମଧୁବାବୁଙ୍କର ପ୍ରତି ଶ୍ରଦ୍ଧାଞ୍ଜଳି ଜନାୟିବାର ସଙ୍ଗେ ଆଝିର୍
ଗଣତନ୍ତ୍ର ଆର ନ୍ୟାୟପାଳିକା ଉପରେ ଗୁଚେ ଆଲୋଚନାଚକ୍ର
ହେଇଥିଲା ।

ବୌଦ୍ଧ ନ ଜିଲ୍ଲା ପ୍ରଶାସନ୍, ଓକିଲ୍ ସଂଘ, ବରିଷ୍ଠ ନାଗରିକ୍
ମଂର୍ ଆର ଭିନ୍ ଭିନ୍ ଅନୁଷ୍ଠାନ୍ ତରଫୁ ମଧୁବାବୁଙ୍କର ପ୍ରତିମୂର୍ତ୍ତିଥି
ମାଲ୍ୟାର୍ପଣ୍ କରାଯାଇଥିଲା ।

କଲ୍ୟାଣି ଜିଲ୍ଲା ଓକିଲ୍ ସଂଘ ତରଫୁ ଭବାନୀପାଟ୍ନା ନ ଜିଲ୍ଲା
କୋର୍ଟ ପରିସରଥି ମଧୁବାବୁଙ୍କର ଜୟନ୍ତୀ ଆଉ ଆଇନ୍‌ଜୀବୀ
ଦିବସ୍ ପାଳିତ୍ ହେଇଥିଲା ।

ଆଇଆଇଏମ୍ ସମ୍ବଲପୁର ସମ୍ବଲପୁର ସମ୍ବାଦଦାତା

ଭାରତୀୟ ପ୍ରବନ୍ଧନ୍ ପ୍ରତିଷ୍ଠାନ୍ ଆଇଆଇଏମ୍-ସମ୍ବଲପୁର ର
ବସନ୍ତପୁର ନ ଥିବା ନୂଆ ସ୍ଥାୟୀ କେମ୍ପସ୍ ନ ଅନୁଷ୍ଠାନ୍‌ର ୮
ନମ୍ବର୍ ବଛର୍କିଆ ସମାବର୍ତ୍ତନ୍ ଉତ୍ସବ୍ ଆଏଜ୍

ହେଇଯାଇଛି । ଆଇଆଇଏମ୍ ସମ୍ବଲପୁରର ବୋର୍ଡ଼ ଅଫ୍
ଗଭର୍ଣ୍ଣମେଣ୍ଟର ଚେୟାରପର୍ସନ୍ ଅରୁଣତୀ ଭଟ୍ଟାଚାର୍ଯ୍ୟଙ୍କର
ଉପସ୍ଥିତିଥି ହେଇଥିବା ସମାବର୍ତ୍ତନ ଉତ୍ସବ୍ ଚଳେ ବେଳର
ପରିଚାଳନା ନିର୍ଦ୍ଦେଶକ ଆର୍ ସିଇଓ ଚନ୍ଦ୍ରଶେଖର ଘୋଷ୍ଟ
ମୁଖ୍ୟ ଅତିଥି ଭାବେ ଯୋଗ ଦେଇଥିଲେ । ନିର୍ଦ୍ଦେଶକ
ପ୍ରଫେସର ମହାଦେଓ ଜୟଶ୍ରୀଲ ଆଇଆଇଏମ୍
ସମ୍ବଲପୁରର ସଫଳତା ବାବଦେ ସୂଚନା ଦେଇଥିଲେ ।
ସମାବର୍ତ୍ତନ ଉତ୍ସବ୍ ଓ ଝନ ଛାତ୍ରଛାତ୍ରୀଙ୍କୁ ସ୍ୱର୍ଣ୍ଣପଦକ
ଦିଆଯିବାର ସଙ୍ଗେ ଶହେ ୯୦ ଝନ ଏମ୍ବିଏ ଆର୍ ୪୭
ଝନ ଏକ୍ସିକ୍ୟୁଟିଭ୍ ଏମ୍ବିଏ ର ଛାତ୍ରଛାତ୍ରୀଙ୍କୁ ସାର୍ଟିଫିକେଟ୍
ଦିଆଯାଇଥିଲା ।

ଓଜେଇଇ ଆର୍ଏନ୍ୟୁ/ କଟକ

ଓଡ଼ିଶା ଯୁଗ୍ମ ପ୍ରବେଶିକା ପରୀକ୍ଷା -ଓଜେଇଇ ୨୦୨୪ ଆଏବା
ମେ ୨ ତାରିଖକୁ ମୂଲ୍ୟ ହେବା । ଭିନ୍ ଭିନ୍ ପାଠ୍ୟକ୍ରମର
ଲାଗି ୨ ନୁ ୧୦ ତାରିଖତକ ଧାରିଜ୍ ସୂଚୀ ଅନୁସାରେ
ପରୀକ୍ଷା ହେବା । ହେଥିଲାଗି ଓଜେଇଇ ୱେବ୍‌ସାଇଟ୍ ନ
ଏଡ୍ମିଟ୍‌କାର୍ଡ଼ ମିଳିପାରୁଛି । ପରୀକ୍ଷାର୍ଥୀମାନେ ଓଜେଇଇ
ଓଜେଇଇ ୱେବ୍‌ସାଇଟ୍ www.ojee.nic.in ଲଗ୍‌ଇନ୍ କରିକରି
ନିଜର ଆପ୍ଲିକେସନ୍ ନମ୍ବର ଆର୍ ପାସ୍‌ୱାର୍ଡ଼ ଦେଇକରି

ଏଡ଼ମିଟ୍‌କାର୍ଡ୍ ତାଉନ୍‌ଲୋଡ୍ କରିପାରବେ ବଳି ଓଜେଇଇ
ତରଫୁ ସୁରନା ଦିଆଯାଇଛି ।

ଝାରସୁଗୁଡ଼ା- ଟଙ୍କା ଜପତ୍

ଝାରସୁଗୁଡ଼ା ସମ୍ବାଦଦାତା

ଛତିଶଗଡ଼ ସୀମା ଇଲାକା ନୁ ଓଡ଼ିଶାକେ ଆସୁଥିବା ଗୁଟେ
କାରନୁ ଝାରସୁଗୁଡ଼ା ଜିଲ୍ଲା ପୁଲିସର ଗୁଟେ ଟିମ୍ ନଗଦ୍ ଝ
ଲାଖ୍ ଟଙ୍କା ଜପତ୍ କରିଛନ୍ । ନିର୍ବାଚନ୍ ଆୟୋଗ୍‌ଙ୍କର
ନିର୍ଦ୍ଦେଶ୍‌ଥି ସୀମା ଇଲାକା ନ ଯାଂଚ୍ ବେଲେ ଇ ଟଙ୍କା
ଜପତି ହେଇଛି ।

ବରଗଡ଼-ବରହା ଆକ୍ରମଣ୍

ବରଗଡ଼ ସମ୍ବାଦଦାତା

ବରଗଡ଼ ଜିଲ୍ଲା ଝାରବନ୍ଧ୍ ଥାନା ଇଲାକାର କୁମ୍ଭୀର ଗାଁ ପାଖର
ଜଙ୍ଗଲ୍‌ଥି ଆଏଜ୍ ବରହା ଆକ୍ରମଣ୍ କରବାରନୁ ୨ ଝନ୍
କେନ୍ଦୁପତ୍ର ତୋଲାଲି ଆହତ୍ ହେଇଛନ୍ । ସେମାନକୁ
ପଦମ୍ପୁର ଡାକ୍ତରଖାନାଥି ଭର୍ତ୍ତି କରାଯାଇଛି ।

ଦୁର୍ଘଟଣା

ସୁବର୍ଣ୍ଣପୁର ସମ୍ବାଦଦାତା

ବଲାଙ୍ଗିର-ସୁବର୍ଣ୍ଣପୁର ୫୭ ନମ୍ବର ଜାତୀୟ ରାଜପଥର
ହରଡ଼ଖୋଲ ପାଖେ ଆଏଜ୍ ପହଞ୍ଚି ନ ଗୁଡ଼େ ଯାତ୍ରୀବାହୀ
ବସ୍ ଆର ଟ୍ରକ୍ ଭିତ୍ରେ ଧକ୍କା ହେବାରୁ ଘଟଣା ଜାଗା ନ
୨ ଝନକର ଜୀବନ୍ ଯାଇଛେ । ମୃତକ୍ ୨ ଝନ ହେଲେ
ବସ୍ ର ଡ୍ରାଇଭର ଆର ହେଲ୍ପର । ହେଲେ ବସ୍ ର ୪୦
ଝନ ଯାକ ଯାତ୍ରୀ ସୁରକ୍ଷିତ୍ ଅଛନ୍ । ବସ୍ ଟା ଜୟପୁରକୁ
କଟକ୍ ଯାଉଥିବାର ବେଳେ ଦୁର୍ଘଟଣା ହେଇଥିଲା ।
ସୋନପୁର ପୁଲିସ୍ ଘଟଣାଜାଗା ନ ପୁହୁଁଚିକରି ଉଦ୍ଧାର
ଆର ତଦନ୍ତ କରିଥିଲା ।

ଛାତ୍ରଛାତ୍ରୀ-ଆଇରନ୍ - ଫଲିକ୍ ଏସିଡ୍ ବଟିକା

ଆରଏନ୍ୟୁ/ କଟକ୍

ରାଜ୍ୟକେ ଏନିମିଆ ମୁକ୍ତ କରବାର ଲାଗି ଖରାଛୁଟି ନ ସ୍କୁଲ୍
ଛାତ୍ରଛାତ୍ରୀମାନକୁ ଆଇରନ୍ ଆର ଫଲିକ୍ ଏସିଡ୍ ବଟିକା
ଦିଆଯିବା । ସ୍କୁଲ୍ ମାନକର ଶିକ୍ଷକ୍, ଶିକ୍ଷୟିତ୍ରୀମାନେ ଇ
କାମ୍ ଥି ନିୟୋଜିତ ହେବେ ବଲି ବିଦ୍ୟାଳୟ ଆଉ ଗଣଶିକ୍ଷା
ବିଭାଗ୍ ତରଫୁ ସବୁ ଜିଲ୍ଲା ଶିକ୍ଷାଧିକାରୀମାନକୁ
ଜନାଯାଇଛେ । ସୂଚନା ଅନୁସାରେ ସରକାରୀ ଆଉ
ସରକାରୀ ଅନୁଦାନ ପାଉଥିବା ସ୍କୁଲ୍ ମାନକର ୧ ନୁ ୫
କ୍ଲାସ୍ ର ଛାତ୍ରଛାତ୍ରୀଙ୍କୁ ଗୁଲ୍ୟାପି ରଙ୍ଗର ଆର ୬ ନୁ ୧୨ କ୍ଲାସ୍
ପଢୁଥିବା ଛାତ୍ରଛାତ୍ରୀମାନକୁ ନୀଳ ରଙ୍ଗର ବଟିକା

ଦିଆଯିବା । ବଟିକା ଦିଆଯିବାର ଆଘୋନୁ ପିଲାକର
ଅଭିଭାବକ୍ ମାନଙ୍କୁ ଇ ବାବଦେ ସୂଚନା ଦିଆଯିବା ।
ଖରାଛୁଟିଥିୁ ସ୍କୁଲ୍ ଖୁଲ୍‌ବାର ଆଘୋନୁ ବଟିକା ଦିଆଯିବାର
କାମ୍ ଶେଷ୍ କରବାରକେ ଜିଲ୍ଲା ଆର୍ ବ୍ଲକ୍ ଶିକ୍ଷା
ଅଧିକାରୀମାନଙ୍କୁ କୁହାଯାଇଛେ ।

ସମ୍ବଲପୁର୍ ଆନ୍ତଃବିଭାଗୀୟ କ୍ରୀଡ଼ା ଚୁଣ୍ଟାମେଂଟ୍

ସମ୍ବଲପୁର୍ ସମାଦଦାତା

ପୂର୍ବତଟ ରେଲ୍‌ବାଇ କ୍ରୀଡ଼ା ସଂଘ ସମ୍ବଲପୁର୍ ତିଭିଜନ୍
ଆନ୍ତଃବିଭାଗୀୟ କ୍ରୀଡ଼ା ଚୁଣ୍ଟାମେଂଟ୍ ଗଲାକାଏଲ୍‌ନୁ ମୁଲ୍
ହେଇଛେ । ସମ୍ବଲପୁର୍ ରେଲ୍‌ଓ୍ଵେ ଷ୍ଟାଡ଼ିୟମ୍ ନ ଆଏବା
ମାସର୍ ୧୧ ତାରିଖ୍‌ତକ୍ ଚାଲ୍‌ବାରକେ ଥିବାର ଇ
ଚୁଣ୍ଟାମେଂଟ୍‌ଥିୁ କ୍ରିକେଟ୍, ଭଲିବଲ୍, ବେଡ୍‌ମିଂଟନ୍, ଟେନିସ୍
ଆର୍ ଭିନ୍ ଭିନ୍ ପ୍ରତିଯୋଗିତା ହେବା ।

ବେଙ୍କ୍ ବନ୍ଦ୍ ଆରଏନ୍‌ୟୁ/ କଟକ୍

ଆଏବା ମେ ମାସେ ରାଜ୍ୟର୍ ବେଙ୍କ୍ ମାନ୍ ୧୦ ଦିନ୍‌ନୁ ଅଏଡ୍‌କା
ଦିନ୍ ବନ୍ଦ୍ ରହେବା । ୪ ଟା ରଏବାର ଆର୍ ୨ ଟା
ଶନିବାରକେ ଛାଡ଼ିକରି ଶ୍ରମିକ୍ ଦିବସ୍ ଆର୍ ଭିନ୍ ଭିନ୍
ଜାଗା ନ ଭୋଟ୍ ହେଉଥିବାରନୁ ସେଦିନ୍ ମାନ୍‌କୁ ଭିଲ୍

ବେଙ୍ଗ ବନ୍ଦ ରହେବା । ସେନ୍ତା ଭାରତୀୟ ପୁଞ୍ଜି ବଜାର ମେ
ମାସେ ୮ ଦିନ କାରବାର ବନ୍ଦ ରଖିବା ବଳି ଜନାପଡ଼ିଛି ।

ପାଣିପାଗ

ଆରବନ୍ଦୁ / ସମ୍ବଲପୁର

ରାଏଜେ ଜବର ଖରା ହଉଛି । ଆଏଜ୍ ରାଜ୍ୟର ୨୭ ଟା
ଜାଗା ନ ଦିନର ସବୁନୁ ଜହ ତାତି ୪୦ ଡିଗ୍ରୀ ଉପରେ ଆଉ ୧୨
ଟା ଜାଗା ନ ଦିନର ସବୁନୁ ଜହ ତାତି ୪୩ ଡିଗ୍ରୀ ଉପରେ ଥିଲା ।
ରାଜ୍ୟର ସବୁନୁ ଅଏଡ଼କା ତାତି ଅନୁଗୁଲ୍ ନ ୪୪ ଦର୍ଶମିକ୍ ୩
ଡିଗ୍ରୀ ସେଲ୍‌ସିଅସ୍ ରେକର୍ଡ଼ କରାଯାଇଛି । ପର୍ଣ୍ଣିମ ଓଡ଼ିଶାର
ବୌଦ୍ଧ ନ ୪୪ ଦର୍ଶମିକ୍ ୧ ଡିଗ୍ରୀ ସେଲ୍‌ସିଅସ୍ ରେକର୍ଡ଼
କରାଯାଇଛି । ସେନ୍ତା ଟିଟିଲାଗଡ଼୍ ନ ୪୩ ଦର୍ଶମିକ୍ ୫,
ବଲାଙ୍ଗିର ନ ୪୩ ଦର୍ଶମିକ୍ ୩, ଭବାନୀପାର୍‌ନା ନ ୪୩,
ସୋନ୍‌ପୁର ନ ୪୧ ଦର୍ଶମିକ୍ ୩, ନୂଆପଡ଼ା ନ ୪୧ ଦର୍ଶମିକ୍ ୨
ଆର୍ ରାଉରକେଲା ନ ୪୦ ଦର୍ଶମିକ୍ ୬ ଡିଗ୍ରୀ ସେଲ୍‌ସିଅସ୍ ତାତି
ରେକର୍ଡ଼ କରାଯାଇଛି । ହେଲେ ଆଏଜ୍ ସଖାଲୁ ଆକାଶେ
ମେଘ ଥିବାରନୁ ସମ୍ବଲପୁର, ହୀରାକୁଦ୍, ବରଗଡ଼୍, ଦେବଗଡ଼୍,
ସୁନ୍ଦରଗଡ଼୍ ନ ତାତି କମିକରି ପାରା ୪୦ ଡିଗ୍ରୀ ନୁ ତଲେ
ରହିଥିଲା । ହେଲେ ଆଏବା ୪ ନୁ ୫ ଦିନ ତକ୍ ତାତି ଜାରି
ରହେବା ବଳି ଆଂତଲିକ୍ ପାଣିପାଗ ବିଜ୍ଞାନ କେନ୍ଦ୍ର ତରଫୁ
ସୂଚନା ମିଳିଛି ।